

- 131 -

Dastumad Pennwern : dornskrid 89

48. AN TOUR PLOMB

(follennoù 156 - 157)

Kenta vellas an tan en tour plomb
Voa eur c'hloarek he distrei deus Rom.

A lavaras da Kemper illiz
E man krog an tan en ho c'hillis.

E man krog an tan ebars en tour
Na vo ket lazet evid dour.

Gant bara gwini a les bron
E voa lazet an tan en tour plomb.

Nag ar sakrist a lavare
Dan otrou personn eun deñs a voe :

- Me a vel an erouan var beg an tour
Hag en enon evel eur skour.

An otrou personn a lavare
Dan otrou kure eun deñs a voe :

- Kerc'h ar siboëro hag ar sakramant
Da chasseal an erouant.

An otrou kure a levere
Dan otrou personn eun deñs a voë :

- Me non ket evid entren aman
Gant ar plomb bervet e diveran
Hag e lec'h ma koues dewi a ra.

An otrou personn a lavare
Dan erouant an deñs a voe :

- Petra klaskes var dro va zi
Me nen dan ket var dro da hini.

- Da ti te a zo diviniget
Gant eur plac'h iaouank hag eur kloarek
O pec'hi eni noz nedelek.

~~~~~